

Morning Regional Dogri News Bulletin, 19 April, 2026

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- प्रधानमंत्री नरेंद्र मोदी होरें आखेआ ऐ कि महिलाएं गी आरक्षण देने आहले बिल गी रोकियै विपक्ष नै महिलाएं दे सुखने गी मिंदने दा कम्म कीता ऐ।
- मुखमंत्री उमर अब्दुल्ला होरें श्रीनगर दे लाल देद अस्पतालै दे बाद्द ब्लॉक दे जारी निर्माण कम्मै दा निरीक्षण कीता ते इसी समेंसिर तोढ़ चाढ़ने पर जोर दिता।
- राईबाई मैहकमे दे मंत्री जावेद डार होरें केंद्री ग्रामीण विकास मंत्री शिवराज सिंह चौहान हुंदे नै इक्क जायजा बैठक च शिरकत कीती।
- प्रदेश चुनांस आयुक्त होरें जम्मू ते उधमपुर जिलें च पंचैत मतदाता सूचिएं दी नमें सिरेआ नजरसानी दी समीक्षा कीती।
- श्री मचेल माता यात्रा गी बवस्थित ते सुरक्षत बनाने लेई नमिएं तकनीकें ते आर.एफ.आई.डी सुविधा दा इस्तेमाल कीता जा'रदा ऐ।

<><><><><><>

PM-Address

प्रधानमंत्री नरेंद्र मोदी होरें आखेआ जे कांग्रेस ते एहदे गठबंधन सहयोगिएं महिला आरक्षण दा बरोध करिए जेड़ा पाप कीता ऐ, उस करनी दा फल उनेंगी भुगतना पौना ऐ।

विपक्ष नै संसद ते राज्य विधानसभाएं च नारी शक्ति वंदन संशोधन दा बरोध कीता ते उसी पास नेई होन दिता। राष्ट्र दे नां अपने संबोधन च प्रधानमंत्री होरें आखेआ जे उंदी सरकार महिला आरक्षण दे रस्ते च औने आहली रूकावटें गी दूर करोग। प्रधानमंत्री होरें महिलाएं थमां माफी मंगी ते आखेआ जे सरकार बशक्क इस विधेयक गी पास नेई करोआई सकी, पर महिलाएं गी सशक्त करने लेई कम्म जारी रक्खोग। उनें आखेआ जे जेड़ियां पार्टियां महिला आरक्षण दा बरोध करा'रदियां न, ओह महिलाएं दी संसद ते राज्य विधानसभाएं च शमूलियत गी बदने थमां नेई रोकी सकदियां।

<><><><><><>

CM-LD Hosp.

मुख्यमंत्री उमर अब्दुल्ला होरें कल श्रीनगर च लाल देद अस्पतालै दे बादू ब्लॉक दे जारी निर्माण कम्मै दा निरीक्षण कीता ते इस महत्वपूर्ण प्रोजेक्ट दे कम्मै दी रफ्तार ते प्रगति दा जायजा लैता। दौरै दरान मुख्यमंत्री होरें कम्मै दे म्यार ते रफ्तार दे कन्नोकन्नी अस्पतालै दे विस्तार तैहत जोड़ी जा'रदिएं सुविधाएं सेवाएं दे बारे च बी तफसीली जानकारी हासल कीती। इस परियोजना गी मित्थे गेदे समें दे अंदर-अंदर ते तौले मुकम्मल करने दी जरूरतै पर जोर दिंदे होई उमर अब्दुल्ला होरें सरबंधित अधिकारिएं गी निर्देश दिता जे कम्मै दे म्यार कन्नै विजन कोई समझौता कीते दे बगैर तय समें सीमा दा बी पूरा-पूरा ख्याल रक्खेआ जा। ध्यानजोग ऐ जे लाल देद अस्पतालै च किश सुविधाएं गी जोड़ियै इसी बांझपन ते महिला कैंसर जनेए रोगें दे इलाज दी सुविधा कन्नैलेस कीता जा'रदा ऐ।

इने सुविधाएं दे जुड़ने कन्ने एह महिला रोग ते नमें पैदा गिल्लुएं दे इलाज लेइ प्रमुख केंद्र दे रूपै च कम्म करग।

<><><><><><>

Dar-Meeting

केंद्री ग्रामीण विकास मंत्री शिवराज सिंह चौहान हुंदे आसेआ लाई गेदी ऑनलाइल रिव्यू बैठक च राईबाई मंत्री जावेद डार होरें कल हिस्सा लैता। बैठक दरान MGNREGA दी अमलावरी दा जायजा लैता गेआ ते विकसित भारत रोजगार गारंटी ते आजीविका मिशन ग्रामीण VB-G Ram G बारै बी सुझा मंगे गे। इस दरान डार होरें जम्मू-कश्मीर कन्ने जुड़े दे केई मामले पुट्टे। उनें MGNREGA तैहत प्हाड़ी खिते च उजरत बदाने दी जरूरता पर जोर पाया। उनें इसी 272 थमां 311 करने लेई आखेआ।

<><><><><><>

Satish-Infra Dev.

खेड्ठ मंत्री सतीश शर्मा होरें कल कठुआ दा दौरा लाया ते ब्राहमणा सभा कठुआ च लोकें कन्ने गल्लबात कीती। इस मौके पर किट्ठ गी संबोधित करदे होई मंत्री होरे लोकहित कन्ने जुड़े दे मामलें पर गल्ल कीती। मंत्री होरें जम्मू-कश्मीर दे पूरे-पराते विकास बारै नजरिए पर गल्ल कीती।

उनें खास तवज्जो युवाएं गी सशक्त करने, ढांचागत विकास ते सार्वजनिक सेवाएं गी बेहतर करने पर दिती। उनें आखेआ जे खिते च हर सैक्टर दे विकास पर जोर दिता जा'रदा ऐ। मगरा पत्रकारें कन्ने गल्ल करदे होई शर्मा होरें आखेआ

<><><><><><>

Rana-CFC Inaguration

जल शक्ति मैहकमे दे मंत्री जावेद राणा होरें कल पुंछ जिले दे मन्कोट इलाके च समुदायिक सुविधा केंद्र दा उद्घाटन कीता ते उत्थे बनाए जा'रदे खेड्ढ स्टेडियम दे निर्माण कम्मै दा बी निरीक्षण कीता। 17 लक्ख रपे दी लागत कन्ने इस समुदायिक सुविधा केंद्र दा निर्माण ग्रामीण विकास मैहकमे आसेआ कीता गेदा ऐ जेहदा मकसद मकामी लोकें गी इक्कै थाह बक्ख-बक्ख कम्में, आयोजनें ते सेवाएं दी सुविधा उपलब्ध कराना ऐ। इस मौके पर बोलदे होई मंत्री होरें आखेआ

मन्कोट च मंत्री होरें 58 लक्ख रपे दी लागत कन्ने तैयार कीते जा'रदे खेड्ढ स्टेडियम दे निर्माण कम्मै दा बी जायजा लैता।

<><><><><><>

SEC-Panchayat Election Rolls

प्रदेश चुनांस आयुक्त शांतमनू होरें कल उधमपुर ते जम्मू जिले दा व्यापक दौरा लाया ते पंचैत मतदाता सूचिएं दी नजरसानी आहले कम्में दा जायजा लैता।

अपने दौरे दरान उनें पंचैत घर टिक्करी, मांड ईस्ट ते वेस्ट ते पंचैत घर गरनेई सने पंचैत घर झज्जर कोटली च आयोजित विशेष शिविरें दा निरीक्षण कीता। एहदे अलावा उनें बी.डी.ओ दफ्तर इंसाल ते नगरोटा दा बी दौरा लाया। शांतमनू होरें विशेष शिविरें दा जायजा लैता ते पंचैत मिम्बरें कन्नै गल्ल कीती। मीडिया कर्मिं कन्नै गल्ल करदे हेई उनें आखेआ

<><><><><><>

Dy CM Outreach Prog.

उपमुखमंत्री सुरिंद्र चौधरी होरें नौशैहरा इलाके च लोकें-लोकें तगर पुज्जियै उंदिं दिक्कतें-परेशानिं गी जानने लेई शुरू कीते गेदे अपने सिलसिले गी जारी रखने होई केई जनता दरबारें च लोकें कन्नै गल्लबात कीती, विकास कम्में दा निरीक्षण कीता ते लोकें गी उंदिं दिक्कतें-शकैतें गी दूर करने दा भरोसा दोआया। उपमुखमंत्री होरें चौकी हंडन, कल्सियां, लंगर, पंचैत भवानी, झंगड़, लरोका, किला दरहाल ते लम्बेड़ी च मकामी लोकें दे शिष्टमंडलें कन्नै गल्लबात बी कीती जिनें अपने-अपने इलाके दिं केई सारी समस्याएं ते मंगें गी उजागर कीता। सुरिंद्र चौधरी होरें लोकें दिं दिक्कतें-शकैतें गी धरोइयै सुनेआ ते उंदे तौले नबेड़े दा जकीन बी दोआया।

<><><><><><>

Machail-Yatra

जिला प्रशासन किशतवाड़ आसेआ श्री मचेल माता यात्रा लेई टेकनालजी आधारित व्यापक जत्नें दी घोशणा कीती गेई ऐ। मचेल माता मंदर 14 अप्रैल गी खुल्ली गेआ हा।

मीडिया गी संबोधित करदे होई ए.डी.सी किशतवाड़ पवन कोतवाल होरें श्रद्धालुएं दी सुविधा ते सुरक्षा लेई केई सारे तरीकाकारें दी जानकारी दिती। उनें आखेआ जे प्रशासन नै पूरे पंजीकरण सरिस्ते गी आनलाइन करी दिता ऐ।

<><><><><><>

Heritage-Day

विश्व विरासत दिवस दे सिलसिले च कल अजैबघरें ते पुरातत्व विभाग आसेआ जम्मू दे ऐतिहासिक बाहु किले च केई कार्यक्रमें दा सरिस्ता कीता गेआ। इस मौके पर मजूद मैहकमे दिएं डिप्टी डरेक्टर संगीता शर्मा होरें दस्सेआ जे लोकें अंदर अपनी विरासत बारे जागरूकता पैदा करने लेई केई गतिविधिएं दा सरिस्ता कीता गेआ जिंदे च हैरिटेज बैठक, स्वच्छता मुहिम ते प्राचीन इमारतें दी सैर बी शामिल ऐ।

<><><><><><>